



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 50. Augustinus Manichæis infestus.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

ducebat Astrologos consulere, eorumque libros legere, donec ab horum quoque lectione abstractus est consilio sapientissimi Senis, cui nomen Vindicianus, celeberrimi Medici, qui propria experientia, quam inanis hæc esset scientia, perspexerat. Erat tunc Augustino amicus intimus, cui persuaserat, ut Manichæus fieret; nam alios quoque seducere satagebat. Is, ægrotans, liquecente animo diu jacuit, ergo, de vita ejus conclamatum, rati, sui ipsius nescium baptizarunt; ubi mentem recepit, Augustinus in baptismum ludebat, quem mentis impositos accepisset; at ægrotus, his jocis cum horrore rejectis, paucos post dies Gratia Divinae Fidelis vivis excessit. Augustinus annum ætatis circiter vigesimum sextum agens duos, tresve libros de pulchritudine, & decore scripsit, quæ opuscula hodie non supersunt.

§. L.

Augustinus Manichæis infestus.

Tandem Augustinum fabularum, quas Manichæi de Mundi Oeconomia, corporum Coelestium, & Elementorum natura narrabant, fastidium subiit. *Hæ scientiæ, inquit, Religioni necessaria non sunt, hoc vero summe necessarium, ne mentiamur, aut ea, quæ nescimus, comprehendere nos jactemus; præsertim si quis,*

E e e 2

ut

Sæculum IV.

A. C. 386.

VII. c. 6.

IV. c. 4.

c. 13. c. 14.

v. Conf. c. 3.

Sæculum IV. *ut Manes, talia a Spiritu S. edoctus vide-*
A. C. 386. *ri velit.* Magis palato arridebant ratio-
 nes, quas Mathematici, & Philosophi cir-
 ca Eclipses, solstitia, & astrorum cursum
 reddebant. Inter Manichæos Episcopus,
 nomine Faustus, a Sectariis suis jactabatur
 vir incomparabilis, in omni scientiarum
 genere excellentissimus. Diu expectatus,
 tandem Carthaginem advenit, ubi Augu-
 stinus artem Rhetoricæ auditoribus ex-
 plicabat. Ubi colloqui datum, Augu-
 stinus expertus est virum suavis allo-
 quii, & facundiæ singularis, qui autem
 ea tantum proferret, quæ alii Manichæi,
 & nihilo melioribus innixa fundamentis;
 eo solo discrimine, quod facilius, & or-
 natius eloqueretur. Aliud erat, quod
 quærebat Augustinus, & ingenium soli-
 dum inani specie pasci non potuit. Om-
 nis Fausti scientia eo solvebatur, quod
 aliquas Ciceronis orationes legisset, pau-
 cas Senecæ, & libros Manichæorum,
 quotquot exstabant, latine scriptos. Dum
 autem Augustinus se illius opera ad ve-
 ritatem abstrusissimam de Solis, Lunæ,
 aliorumque corporum cœlestium motu
 penetraturum sperabat, Faustus ingenue
 edixit, se his quæstionibus intelligendis
 non studuisse. Videns igitur, quam pa-
 rum spei suæ satisfecisset Manichæorum
 famosissimus, ejus Sectæ omnes anno vi-
 tæ vigesimo nono averfari cœpit. Tunc
 amici

6. 3. n. 6.

6. 6.

amici Augustino suaserunt, ut Romam se conferret, ibidem docturus Rhetoricam, quod Romani eloquentiæ studiosi gratiori animo quam Carthaginenses in Magistrum futuri essent. Navem ingressus est invita Matre, quam amicum ad portum deducendi simulatione decepit. Romæ Augustinus febris correptus in extremum vitæ periculum deductus est; baptizari tamen non petiit. In domo Manichæi hospitabatur, non enim tam cito veteri hominum amicitia valedicere poterat, quamvis veritatem inter eos inveniri posse desperasset; nec ei in mentem veniebat eandem in Ecclesia Catholica quærere, tanto erat contra Catholicos præjudicio. Igitur ad eam devolutus est cogitationem, forte inter Philosophos Academicos, qui de omnibus dubitabant, veram residere sapientiam, & ædium Domini credulitatem sapius reprehendebat, quod Manichæorum fabulis plenam fidem adhiberet. Inter hæc advenere, qui jussu Civitatis Mediolanensis a Symmacho Præfecto Romano Rhetoricæ Professore petierunt; Augustinus, Manichæorum favore adjutus, hanc Cathedram obtinuit, postquam pronuntiata oratione suæ eloquentiæ specimen dedisset. Itaque anno 384. annos natus triginta, Mediolanum venit.

Sæculum IV.
A. C. 386.

c. 8.

c. 9.

c. 10.

c. 13.

Ecc 3

§. LI.